



**UPA 2014/18.1**  
**8. april 2014**  
Kalistat Lund

**Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalackersuisunut kaammattuutigaa nunani avannarlerni killerni innuttaasut akornanni arnat ikiliartornerannik ajornartorsiut pillugu nassuiaasioqqullugit. Sammisaq tamanna pillugu ilisimatuutut alaatigisani, ilisimatusarnermi isumaliutissiissutini misissuinernilu inernilii-nerit nassuiaammi eqiterneqassapput aammalu arnat Nunani Avannarli Killerni pitsaannerusumik atugaqalernissaannut peqataaqataasinnaasunut suliniutinut siunnersuutininik imaqassalluni.**

(Aallartitat siulittaasuat Lars-Emil Johansen)

Nunat Avannarliit Killiit Siunnersuisoqatigiiffiata, Savalimmiuni, Island-imi nunatsinilu arnat angutillu oqimaaqqatigiinnerisa nikingavallaalersimanagerat pillugu qanoq iliuuseqartoqarnissaannik Naalackersuisunut kaammattueqqusinerat Inuit Ataqtigiinniit taperserparput.

Ajornartorsiut ulluinnarni eqqarsaatigineqarpallaartarunangikkaluartuq atuutilersimagaangami inuiaqatigiit nalinginnaasumik ingerlaassiannut akornutaalersartuq ilisimaneqarpoq.

Nunat Avannarliit Killiit eqqarsaatigalugit arnat angutillu amerlassusaassa nikingajartuinnalersimanagerat ilisimaneqarpoq, taamaammat piffissaatillugu ilisimasanik ilisimaligassanillu katersinissaq pisariaqartinneqalersimavoq tassuunakkut nunani allani misilittakkat aamma aallaavigalugit qanoq iliortoqarsinnaaneraniq ilaatigut tikkuusisoqarsinnaassammat.

Kalaallit Nunarput eqqarsaatigigutsigu ukiuni aggersussani allannguutininik annertuunik pisoqarfiusussaasoq qularnanngilaq. Oqaluttuarisaanitsinni inuussutissarsiutitoqqat inuiaqatigiinnit naqqaniit ineriartortinneqarsimasut qularnaarinnittuussimapput arnat angutillu atorfissaqatigiillutik nunatsinni siammasillutik inuussinassimanagerannut.

Aatitassarsiornerup inuussutissarsiutinut pingaarnernut ilaalernissaa ukiuni makkunani nunatsinni sulissutigineqarpoq. Aatitassarsiorfiit nalinginnaasumik angutaanerunit suliffiupput, inuiaqatigiit uagut ikittunnguusugut kalluarneqarujussuassanngikkutta aatsitassarsiorfiit pilersinneqarumaartussat, nunatsinni inoqarfinnut qanoq ingalassimatinneqarnissaat pilersaaruteqarfigineqartariaqassasoq qularnanngilaq. Aammami ajussaqqimmat pillualissutiginiakkat killormut sunniuteqalissagaluar-pata.

Inuiaqatigiit ikittunnguugatta allanngornernit sunnerteqqajaasuuvugut, arnat angutillu oqimaaqqatigiinnginnerisa alliartornerat pimoorullugu sammineqartariaqarso-raarput. Neriulluta una kaammattuut aamma eqeersaataassasoq ajornartorsiutip pi-

uneranut siunissamilu ajorsiertortitsinnginnissatsinnik eqqaasitsuussasoq.